



Brev dato: 27-09-2024
Sagsnr. 2024 - 15642
Akt. nr. 24460989

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

§ 37 naapertorlugu apeqquut nr. 2024/208-mut nunatsinni Inuit nalunaarsorsimaffiat pillugu akissut

Asasara Pele Broberg.

Inatsisartut suleriaasianni § 37 naapertorlugu nammineq piumassutsimik tunngavilimik Kalaallit Nunaanni inuit nalunaarsorsimaffiannik pilersitsinerup kingunerisinnaasai pisariaqartinneqarneralu pillugit Naalakkersuisut nalunaarusiussasut, kingusinnerpaamik 2024-mi ukiakkut ataatsimiinnermi Inatsisartunut saqqummiunneqartussaq (UKA2023, imm.92) pillugu Naalakkersuisunut apeqquaqarputit. Apeqquqtitit uannut akineqartussanngorlugit innersuunneqarput.

Apeqquut:

- 1) Inatsisartut ukiq 2023 ataatsimiinnermini amerlanerussuteqartut aalajangerpaat, nammineq piumassutsimik tunngavilimik Kalaallit Nunaanni Inuit nalunaarsorsimaffiannik pilersitsinerup kingunerisinnaasai pisariaqartinneqarneralu pillugit Naalakkersuisut nalunaarusiussasut, kingusinnerpaamik 2024-mi ukiakkut ataatsimiinnermi Inatsisartunut saqqummiunneqartussavoq (UKA2023, imm. 92):**
 - Nassuiaat qanoq imaqarpa?
 - Nassuiaat Inatsisartunut ulloq sunarpiaq saqqummiunneqarumaarpa?

Apeqquut 1.a-mut akissuteqaat:

Nassuiaat, siunertaq pillugu nassuiaammik Inuillu nalunaarsorsimaffiannut sinaakkutinik, nalunaarsuiffiup taamaattup pisariaqartinneqarneranik misissueqquissaarnermik imaqassasoq naatsorsuutigineqarpoq. Tamatumani saniatigut inatsisilerinikkut isumaliutit nassuiaammi sammineqassapput, tassani inatsisitigut tunngaviit ilanngullugit, ilaatigullu Inuit nalunaarsorsimaffiat namminersulernissamik suliniarnermut tunngatillugu qanoq inissisimassanersoq. Nassuiaat inerniliussamik kaammattuummillu naggaserneqassasoq ilimagineqarpoq.

Apeqquut 1.b-mut akissuteqaat:

Inuit nalunaarsorsimaffiat pillugu nassuiaat 2024-mi ukiakkut ataatsimiinnerup naammassinis-saa sioqqullugu Inatsisartunut saqqummiunneqassasoq ilimagineqarpoq, tassa kingusinnerpaamik ulloq 19. februar 2025.

Tamanna Inatsisartut Suleriaasianni § 35, kiisalu Inatsisartut ataatsimiinneranni ilusiliinissamut piumasaqaatit pillugit allakkami, Inatsisartut Allattoqarfiannit suliarineqartoq aamma Naalakkersuisunut ulloq 11. september 2024 nassiuunneqartoq naapertorlugu.

Inussiarnersumik inuulluaqqusillunga

Vivian Motzfeldt

Naalagaaffinngornissamut Nunanullu Allanut Naalakkersuisoq